

Powšitkowne WOZJEWJENJA

njedźelu, 12. měrca 2017

Proba oratorija „Serbske jutry“

Wšitke chóry, kotrež oratorij „Serbske jutry“ sobu spěwaja, přeprašuju sobotu, 18. měrca, wot 14.30 do 18.30 hodź. na přichodnu probu do Chróšćanskeje „Jednoty“. Njeh po móžnosći wšitcy hač do kónca na zwučowanju wostanu. *Friedemann Böhme*

Póstnej seminaraj

Dalše zarjadowanje w rjedže ekumeniskich póstnych seminarow w Smochčanskim Domje biskopa Bena budže pónđzelu, 13. měrca. Temje „Wot 95 tezew k bibliji: Zwadne prašenje wotpusk“ wěnujetaj so dr. Christoph Münchow z Radebeula a dr. Bernhard Dittrich z Mišna. Posledni lětuši póstny seminar budže pónđzelu, 20. měrca, pod temu „Wot džělenja k wujednanju: Wizije wo cyrkwi“. Zawodne impulsy k rozmyslowanju poda ekumeniska přihtowanska skupina. Započatk je stajnje w 19.30 hodź. Mjez sobuzarjadowarjemi je Towarstwo Cyrila a Metoda z.t. Hłowna tema je lětsa „500 lět reformacija – (žana) přičina swjećenja?“.

Kardinal z Burkina Faso porěči w Radworju

Přihtuju lětušu póstnu akciju biskopskeho pomocneho skutka Misereor w Drježdžansko-Mišnjanskim biskopstwje přijědze kardinal Philippe Quedraogo z Burkina Faso pjatk, 17. měrca, do Radworja. We 18.30 hodź. budže w cyrkwi Boža mša. Kemšam přizamknje so zetkanje z hosćom z Afriki na farje. Kardinal Quedraogo porěči tam na zakładze přikładow z Burkina Faso k temje „Swět je połny dobrych idejow. Daj jim rosć.“ Wěriwi ze wšěch wosadow su wutrobnje do Radworja přeprašeni.

Duchowny koncert k póstnemu časej

Duchowny koncert k póstnemu časej budže njedźelu, 12. měrca, w 16.30 hodź. w klóštrje Marijinej hwězdze w Pančicach-Kukowje. Pod hesłom „Z wutrobu a dušu“ zanjasetaj Katrin Pehla-Döringowa, sopranistka z Weinböhly, a młody cyrkwinski hudźbnik Feliks Brojer z Budyšina twórby Telemanna, Bacha, Mendelssohna, Tostija, Carsona Coomana kaž tež swójsku kompoziciju Feliksa Brojera. Wšitcy su wutrobnje přeprašeni.

Vesper dekanatneje młodžiny w Njebjelčicach

Byrnjež kubłanske dny w Schmiedebergu byli, přeprašuje dekanatne dušepastyrstwo wšitkich serbskich młodostnych doma we Łužicy na vesper. Tuta budže sobotu, 18. měrca, w 20.00 hodź. w Njebjelčicach.

Bratrowstwo hraje w Chróšćicach a Budyšinje

Dziwadłowa skupina Bratrowstwa zahraje swoju komediju „Jědźk a lěnjoch“ njedźelu, 12. měrca, w 16 hodź. pola Krawčikec w Chróšćicach a njedźelu, 26. měrca, w 16.30 hodź. w Serbskim domje w Budyšinje (ze simultanym přełožkom). Wšitcy su wutrobnje přeprašeni.

Putnikowanje swójbow do Różanta

Putnikowanje swójbow ze serbskich wosadow do Różanta budže pjatu póstnu nje-
dźelu, 2. apryla. Božu mšu w hnadownej cyrkwi w 9 hodź. změje farar Měrcin Deleńk.

Nyšpor z požohnowanjom motorskich

Popołdno z požohnowanjom motorskich zahaji so njedźelu, 7. meje, w 14 hodź. z nyš-
porom w Ralbičanskej cyrkwi. Přizamknje so wulět.

Wulět samostejacych

Termin lětušeho wulěta samostejacych ze serbskich wosadow je nětko jasny. Wón
budže srjedu, 31. meje, a powjedže do Kamjenicy a Rudnych hór. *M. Kralowa*